



"Zaista mi je objavljeno da ćete u kaburovima biti iskušavani kušnjom sličnoj kušnji Dedžala."

Od Esme b. Ebu Bekr, radijallahu anha, prenosi se da je rekla: "Allahov je Poslanik, sallallahu alejhi ve sellem, održao govor o iskšenjima kojima će čovjek biti izložen u kaburu. Kada je to govorio, muslimani se uskomešaše i stvoriše buku zbog koje nisam mogla čuti Poslanikove, sallallahu alejhi ve sellem, riječi. Kada su se smirli i utišali, rekla sam čovjeku koji je bio blizu mene: 'Allah te blagoslovio, šta je rekao Allahov Poslanik, sallallahu alejhi ve sellem, na kraju svog izlaganja?' On odgovori: 'Rekao je: 'Zaista mi je objavljeno da ćete u kaburovima biti iskušavani kušnjom sličnoj kušnji Dedžala.''''

[Vjerodostojan] [Hadis bilježi imam Buhari - Hadis bilježi Nesai]

Esma govorila je da je Allahov Poslanik, sallallahu alejhi ve sellem, jednog dana održao govor ljudima u kojem ih je savjetovao i opominjao na ahiretsku kuću, te se pritom osvrnuo na kaburski život i spomenuo kušnju kojom će ljudi biti iskušavani u kaburu. A pod ovom kušnjom se misli na pitanja dvojice meleka Munkira i Nekira o Gospodaru, Vjerovjesniku i vjeri. Ova pitanja su nazvana tim imenom jer su ona zaista veliko iskušenje kojim se ispituje i utvrđuje čovjekovo vjerovanje i ubjedjenje, pa ko na ovom ispitiju uspije, taj je pobijedio, a ko ne uspije propao je. Kada je to spomenuo, ljudi su uglas povikali, bojeći se toga iskušenja, a zbog te buke Esma nije čula daljnji govor Božjeg Poslanika, sallallahu alejhi ve sellem. Kada su se ljudi smirili, obratila se čovjeku koji je bio u njenoj blizini da joj kaže šta je Poslanik rekao na kraju izlaganja. On joj odgovorio da je Poslanik rekao kako mu je Allah objavio da će ljudi u kaburu biti iskušavani i ispitivani iskušenjem koje je slično iskušenju sa Mesihom Dedžalom, jer je iskušenje sa Dedžalom zaista veliko i teško, a takvo je i iskušenje u kaburu.

<https://sunnah.global/hadeeth-bs/show/11207>